



Theobaldus honestis parentibus natus, à pueris operam literis dedit, & prima rudimenta facile percepit. postea sese ad Friburgensem Academiam contulit, atq; Iurisprudentiæ præclaram operam nauauit. In primis autem Ius Canonicum arrisit, atque Decretorum lectionem sibi familiarem reddidit. Itaq; Iuris Doctor magna solennitate creatus fuit. Erat Theobaldus pietate & prudentia conspicuus: itaq; inter Friburgensis Academiae professores receptus, magna laude diu docuit, atq; uitæ integritate & consilijs omnibus studiosis plurimum profuit. Quin etiam sæpius eius scholæ Rectoratum gubernauit, & ut ritè om-

nia administrarentur author fuit. Inter alios amicos etiam Huldricum Zassium seniozem habuit, qui eius ingenio delectatus, in tractatu Substitutionum cap. i. in secundo casu, tertij effectus, eum plurimum omnibus commendauit. Cum hoc modo Theobaldus suis uirtutibus magnam nominis estimationem sibi comparasset, tandem senex, grassante ubiq; peste, ea lue correptus, Anno millesimo quingentesimo sexagesimo quarto Friburgi obiit, atq; honorificè sepultus fuit. In huius uiri obitum M. Ioannes Thomas Freigius Elegtam scripsit, atque ad me Basileam transmisit, quam hoc loco subiiciendam censui.